

ELECZIUN DA STUDIS – SIN VIA A LA FURMAZIUN ADATTADA

Vossa maturitad è avant porta u Vus avais gia terminà cun success il gimnasi. I vegn temp da far ponderaziuns davart Voss avegnir scolastic e professiunal. L'elecziun da clamada è in process e na betg in affar che po vegnir reglà entaifer ina fin da l'emna. As dai ad uras spazi per l'elecziun da studi, investi avunda temp e procedi uschè sistematic sco pussaivel. Faschai atenziun da na betg manchentar impurtants termins ed entrai ad uras en contact cun las scolas.

Glista da check per l' elecziun dal studi:

1. Determinar abilitad ed interess

Per ch'in studi u ina furmaziun correspundi cun Vossa persuna duess el/ella s'accordar cun Vossas abilitads, cun Voss interess e Vossas ideas da valurs. Perquai èsi impurtant da savair tge che Vus savais far bain, tge temas che Vus as interessan u tge che schai a Vus a cor. Suandantas dumondas pon gidar Vus sin Voss viadi d'exploraziun.

- Tge interessescha mai?
- Per tge occupaziuns e temas sun jau «fieu e flomma»?
- Tge sa jau e per tge furmaziun crai jau d'esser capabels?
- Nua as ves jau, nua as vesan autras personas mias fermezzas?
- En tge roms hai jau success al gimnasi?
- Tge è er anc impurtant per mai en mia vita?
- Tge roms da studi na vegn jau segir betg ad eleger?

2. Survista da las pussaivladads

As infurmai lura precisamain davart las pussaivladads multifaras che s'avran a Vus cun ina maturitad. Sin la pagina da www.berufsberatung.ch chattais Vus ina survista da tut ils roms da studis a las universitads/ las ETHs, las scolas autas professiunals e pedagogicas. Las scolas autas porschan regularmain occurrenzas d'infurmaziuns a lur students. Tschertgai medemamain il discurs cun collegas tgi han gia cumenzà lur studi ed accompagnai els durant in di a las scolas autas. Tenor experientscha èn era praticas ed experientschas da lavur durant in onn intermediar in bun sustegn. Patratgai ch'il manaschis tschertgan pli e pli personas tgi han era rimnà experientschas da lavur u activitads sco la collavuraziun en organisaziuns ni experientschas da linguatg sper lur diplom da la scola auta.

3. Decisiun

Ina buna decisiun pon ins far cura ch'ins è infurmà bain. Cumparegliai las pussaivladads, considerai bain e manai blers discours. Faschai quai idealmain tant cun il chau sco era cun il venter.

I è impurtant che Vus elegias ina direcziun da studi per la quala Vus avais las abilitads e che vus sagias interessads per il cuntegn dil champ spezialisà. Ultra da quai duessas Vus as sentir bain el lieu da studi ed en la communitad da abitar ni l'abitaziun e pudair as integrar bain en Voss nov ambient.

4. Perspectivas professionali

Pieder di cun ina tscherta luccadad: «*Jau na fatsch pensiers, schebain i vegn ad esser grev da chattar ina piazza suenter il studi. Jau studegel quai che m'interess e quai èn las ciencias da medias e comunicaziun el major (rom principal) ed etnologia e filosofia el minor (rom secundar). Durant e suenter il studi tschertgel jau pussaivladads da far ils emprims pass en la branscha da las medias.*»

Sandra percunter è sa decidida per in studi da las ciencias d'economia: «*Jau vi gest navend da l'entschatta claras perspectivas professionali e ponderesch dad entrar suenter il studi en ina firma da cussegliaziun per interpresas pitschnas u mesaunas.*»

Vus as stuais sez ponderar con impurtant ch'i è per Vus da far patratgs davart las perspectivas sin ina piazza da lavur suenter la finiziun dal studi. I dat champs spezialisads nua che la fiera da lavur correspondent a vesa or bain. Autras direcziuns han la reputaziun da producir academicras u academichers dischoccupads. Il decurs da l'economia e dumondas conjuncturalas han natiralmain influenza sin las schanzas dad in'occupaziun. Durant il temp d'in studi po bler sa midar. I fa adina smirvegliar danovamain co gest absolvents/as che han elegi in rom critic chattan la finala ina buna piazza da lavur.

5. Realisaziun da la decisiun

A la decisiun en connex cun l'elecziun dal studi suonda la realisaziun. Vus stuais s'inscriver tar l'instituziun da furmaziun che Vus vais elegì (impurtant: Faschai stim dals termins d'annunzia u ulteriurs criteris d'admissiun pussaivels!). Igl è sa cumprovà en il passà per blers students e studentas d'elavurar ina planisaziun. Quella fa visibel tge che è da far en tge mument. Na betg emblidai da s'occupar da dumondas da stipendis ed auters fatgs finansials.

Purschidas da sustegn

La cussegliaziun da studis e scolas medias dil chantun Grischun gida gugent vinavant Vus tar quels pass. Igl è adina util da survegnir in'opiniun dad ina terza persuna e da discussiunar cun ina persuna dal fatg davart Vossas ponderaziuns. Qua tras obtegnais Vus novs puncts da vista ed infurmaziuns e vegnis sustegni en Voss process da l'elecziun dal studi.

Dumondas tipicas èn:

- Tge duess jau far suenter la matura?
- Tge interess hai jau, nua pos jau duvrar quels il meglier?
- Jau vi far diever da l'onn intermediar cun senn – tge pussaivladads hai jau?
- Duess jau visitar in'universitad, ina ETH u ina scola auta professionala?
- Duess jau studegiar economia a Berna u a s. Gagl?
- Tge minors (roms secundars) fan senn?
- Jau vi far insatge sin il sector da las ciencias natiralas. Tge studi è adatta per mai?
- Tge alternativas hai jau sper in studi universitar?
- Tge pussaivladads hai jau suenter il studi?

► Post da cussegliaziun el chantun Grischun

La cussegliaziun da studis e scolas medias dil chantun Grischun porscha discurs singuls en connex cun il tema studi. Ultra da quai sa chattan differents materials d'infurmaziun per invista u per emprest en noss centers d'infurmaziun professionala (CIP). L'adressa al CIP en Vossa vischinanza as chattais sut:

www.berufsbildung.gr.ch → rumantsch → sur da nus → lieu ed adressa → cussegliaziun da professiun, da studi e da carriera

Annunzias per discurs singuls sut Tel. 081 257 27 72 u biz@afb.gr.ch

Funtauna: www.berufsberatung.ch

Y:\05 BSLB\01 Information\Dauerakten\06 Studium\2 Studienwahl\211118-bslb-Elecziun da studis_Merkblatt.docx